

# Fundargerð



MÝVATN

## Sveitarstjórn Skútustaðahrepps.

*40. fundur.*

*Aukafundur.*

**að Hlíðavegi 6, 25. júní 2008, kl. 13:30.**

### DAGSKRÁ:

1. Fundarsetning.
2. Fundargerð Landbúnaðarnefndar dags. 11. júní.
3. Erindi frá Kórastefnu ofl. beiðni um styrk.
4. Erindi frá Elísabetu Sigurðard. ofl. beiðni um styrk.
5. Erindi frá Sýslumanni dags. 4. júní, þar sem óskað er umsagnar sveitarstjórnar á veitingaleyfi til handa Pétri Bj. Gíslasyni f.h. Fuglasafns Sigurgeirs.
6. Fulltrúi á aðalfund Greiðrar leiðar ehf. 30. júní n.k.
7. Vaxtasamningur Norðausturlands 2008-2010.
8. Höfði.

Til kynningar:

Fundargerð aðalfundar AP. dags. 21. maí.

Mættir: Margrét Hólm Valsdóttir, Ingunn Guðbjörnsdóttir, Kristján Stefánsson, Dagbjört Bjarnadóttir, Böðvar Pétusson.

**1. Fundarsetning.**

Oddviti setti fund.

**2. Fundargerð Landbúnaðarnefndar dags. 11. júní.**

Í öðrum lið fundargerðarinnar kemur fram hvernig áburðardreifingu skv. Landbóta- og landnýtingaráætlun 2007-2010, er deilt niður á landnýtendur á Austurafretti. Ákveðið er að deila áburðinum niður á fé til fjallskila skv. gangnaseðili fyrra árs, þó þannig að þeir aðilar sem eiga fátt fé á fjalli fari að jafnaði annað hvert ár en hinir á hverju ári. Í þriðja lið fundargerðarinnar er óskað eftir því að leyfi verði fengið til að setja upp nýtt aðhald við Sveina og bent á nauðsyn þess að því verki verði lokið fyrir fyrstu göngur á Austurafretti. Sveitarstjórn gerir ekki athugasemdir við fundargerðina.

**3. Erindi frá Kórastefnu ofl. beiðni um styrk.**

Fyrir fundinum liggur erindi frá Margréti Bóasdóttur f.h. Kórastefnu, þar sem óskað er eftir stuðningi sveitarfélagsins við kaup á kórþöllum. Í bréfinu kemur frá að búið sé að panta pallana og áælaður kostnaður kr. 622 þúsund. Kórastefna við Mývatn er tilbúin að greiða hluta kaupverðs gegn því að fá afnot af þöllum á árlegri Kórastefnu. Meiningin er að pallarnir verði formlega í eigu og umsjá sveitarfélagsins. Einnig tekur bréfitari fram að líklegt sé að sóknarnefndir kirknanna væru tilbúnar til að leggja til nokkurt fjárframlag.

Erindinu er frestað til næsta fundar.

**4. Erindi frá Elísabetu Sigurðard. ofl. beiðni um styrk.**

Fyrir fundinum liggur erindi frá Elísabetu Sigurðardóttur ofl., þar sem óskað er eftir stuðningi sveitarfélagsins við tónleika sem áætlað er að halda í gamalli fjárhúshlöðu 12. júlí n.k. Þetta er í fyrsta skipti sem tónleikahaldarar standa fyrir upptöku af þessu tagi og erfitt að áætla kostnaði þó reynt sé að haldan honum í lágmarki. Þó verður ekki hjá því komist að greiða ferðakostnað og upphald hljómsveita að einhverju leyti.

Sveitarstjórn samþykkir að styrkja verkefnið um kr. 50.000,-.

**5. Erindi frá Sýslumanni dags. 4. júní, þar sem óskað er umsagnar sveitarstjórnar á veitingaleyfi til handa Pétri Bj. Gíslasyni f.h. Fuglasafns Sigurgeirs.**

Borist hefur erindi frá sýslumanni dags. 4. Júní, þar sem óskað er umsagnar sveitarstjórnar á leyfi til handa Pétri Bjarna Gíslasyni f.h. Fuglasafns Sigurgeirs ses. Sótt er um rekstrarleyfi, flokkur II skv. 3. mgr. 4. gr. laga nr. 85/2007.

Sveitarstjórn gerir fyrir sitt leyti ekki athugasemdir við að leyfið verði veitt.

**6. Fulltrúi á aðalfund Greiðrar leiðar ehf. 30. júní n.k.**

Boðað hefur verið til aðalfundar Greiðrar leiðar ehf. mánudaginn 30. júní n.k. Skútustaðahreppur mun ekki senda fulltrúa á fundinn.

**7. Vaxtasamningur Norðausturlands 2008-2010.**

Fyrir fundinum liggur samningur milli Atvinnuþróunarfélags Þingeyinga og Skútustaðahrepps um Vaxtasamning Norðausturlands 2008-2010.

Sveitarstjóra falið að undirrita samninginn.

## 8. Höfði.

Á fundinn mættu Ásgeir Böðvarsson, Hjörleifur Sigurðarson og Jóhanna Njálisdóttir f.h. Höfðafélagsins í Mývatnssveit. Fór Ásgeir yfir m.a. markmið með stofnun félagsins, sem var og er að eignast þann hluta Höfða sem bjóða átti upp til slita á sameign 12. júní s.l. með það fyrir augum að það verði síðar eign Skútustaðahrepps til að auðga mannlíf og efla atvinnustarfsemi í Mývatnssveit. Hugmyndir félagsins eru að húsið yrði nýtt sem kyrrðarsetur fyrir listamenn sem síðan myndu láta félagið njóta afurða listsköpunar á einhvern hátt. Á síðustu stundu tókst samkomulag milli erfingja Guðrúnar Pálsdóttur og Héðins Valdimarssonar um að einn þeirra, Laufey Sigurðardóttir keypti eignarhlut hinna með stuðningi og tilstyrk Höfðafélagsins. Félagið hefur nú þegar safnað töluverðum fjármunum en betur má ef duga skal og óskar því eftir styrk frá sveitarfélaginu að upphæð kr. 2.000.000,-. Sveitarstjórn samþykkir með þremur atkvæðum gegn tveimur að veita umbeðinn styrk.

Böðvar Pétursson og Kristján Stefánsson lögðu fram eftirfarandi bókum vegna þessa.

*„Við undirritaðir erum algjörlega andvígir því að Skútustaðahreppur veiti Höfðafélaginu 2. milljóna kr. styrk til kaupa á Höfða. Við sjáum ekki þörf Skútustaðahrepps fyrir að eignast þann landskika sem Höfðafélagið og Laufey Sigurðardóttir keyptu þann 12. júní.*

*Landsspilda þessi hefur verið í eigu aðila búsettra utan Mývatnssveitar frá 1937 og hafa íbúar og ferðamenn í Mývatnssveit haft takmarkaðan aðgang að svæðinu á þeim tíma. Þrátt fyrir það hefur mannlíf og menning þrífist með ágætum í Mývatnssveit.*

*Stjórn Höfðafélagsins mætti til fundarins og útskýrði framtíðaráform sín en gat ekki upplýst sveitarstjórn um kaupverð á eigninni né áætlaðar tekjur af starfseminni sem þar er ætlað að vera og engan samstarfssamning við meðeiganda um reksturinn. Það er óásættanlegt þegar veita á slíkri upphæð úr sveitarsjóði. Skútustaðahreppur hefur varið u.þ.b. 2 milljónum kr. árlega til umhirðu í Höfða, sú upphæð rétt dugar fyrir lágmarks umhirðu á svæðinu. Ef markmið Höfðafélagsins um að Skútustaðahreppur eignist allt landið og fasteignirnar nást fram, mun þessi rekstrarkostnaður væntanlega aukast til muna.*

*Markmið Höfðafélagsins um uppbyggingu og starfsemi í Höfða eru í sjálfu sér háleit og góðra gjalda verð, en að okkar mati óraunhæf.“*

*Böðvar Pétursson*

*Kristján Stefánsson*

Fleira ekki gert.

Fundi slitið.

Margrét Hólm Valsdóttir,

Ingunn Guðbjörnsdóttir,

Kristján Stefánsson,

Dagbjört Bjarnadóttir,

Böðvar Pétursson.

